

ՀԱՎԵԼՎԱԾ N 1

ՀՀ կրթության և գիտության նախարարի

28.02.2012թ. - N141-Ա/Ք հրամանի

ՀԱՆՐԱԿՐԹԱԿԱՆ ՀԻՄՆԱԿԱՆ ԴՊՐՈՑԻ

<<ՀԱՍԱՐԱԿԱԳԻՏՈՒԹՅՈՒՆ>>

ԱՌԱՐԿԱՅԻ ՉԱՓՈՐՈՇԻՉ ԵՎ ԾՐԱԳԻՐ

(8-9-րդ դասարաններ)

ՀԱՆՐԱԿՐԹԱԿԱՆ ՀԻՄՆԱԿԱՆ ԴՊՐՈՑԻ

<<ՀԱՍԱՐԱԿԱԳԻՏՈՒԹՅՈՒՆ>> ԱՌԱՐԿԱՅԻ ՉԱՓՈՐՈՇԻՉ (8-9-րդ դասարաններ)

Բ Ա Ց Ա Տ Ր Ա Գ Ի Ր

Հասարակագիտության առարկայական չափորոշչի մշակման համար հիմք են ծառայել <<Կրթության մասին>> ՀՀ օրենքը, <<Հանրակրթության մասին>> ՀՀ օրենքը և Հանրակրթության պետական չափորոշիչը:

Հասարակագիտության չափորոշիչը ներառում է՝

- հասարակագիտության հայեցակարգը (որում ներկայացված են այն սկզբունքները, հարցադրումներն ու հիմնադրույթները, որոնք կողմնորոշիչ դեր ունեն հանրակրթության բովանդակության մեջ առարկայի դերն ու գործառույթները որոշելու և չափորոշիչն ու ծրագրերին համապատասխան դասագրքերը, ձեռնարկները և այլ ուսումնական նյութեր մշակելու համար),
- առարկայի ուսումնական նպատակները,
- առարկայի բովանդակային պարտադիր միջուկը,
- ուսումնական գործունեության տեսակները, որոնք ուսուցման գործընթացում ըստ նպատակահարմարության կարող են ընտրվել և կիրառվել ուսուցչի կողմից,
- սովորողների պատրաստվածությանը (գիտելիքներ, կարողություններ, հմտություններ) ներկայացվող պահանջների և արժեքային համակարգի նկարագրությունները (ընդ որում՝ գիտելիքներին, կարողություններին և հմտություններին վերաբերող պահանջները ներկայացված են երկու՝ Ա և Բ մակարդակներով):
- գրականության ցանկ:

Հ Ա Յ Ե Ց Ա Կ Ա Ր Գ

Հանրակրթության պետական չափորոշի համաձայն՝ «Հասարակագիտություն» առարկան «Հասարակական գիտություններ» ուսումնական բնագավառը ներկայացնող պարտադիր ինտեգրված առարկա է հիմնական դպրոցի 8-9-րդ դասարանների և ավագ դպրոցի 10-12-րդ դասարանների համար:

«Հասարակագիտություն» առարկայի հիմնական նպատակը մարդու և հասարակության վերաբերյալ գիտական պատկերացումներ ունեցող, ճանաչողական, սոցիալական և անհատական կարողությունների ու հմտությունների տիրապետող, ազգային և համամարդկային հիմնախնդիրներին իրազեկ, ազգային ու համամարդկային արժեքներ կրող, ժողովրդավարական արժեքներով առաջնորդվող, սոցիալապես ակտիվ և պատասխանատու քաղաքացու ձևավորումն է: Առարկայի կարևոր նպատակներից է նաև սովորողի կողմից անձնական, հասարակական և ազգային շահերի միասնության, քաղաքացիական հասարակության կայացման և զարգացման գործում սեփական մասնակցության, մարդկանց միջև հավասարություն, արդարություն, հանդուրժողականություն, բարեկամություն և խաղաղություն հաստատելու անհրաժեշտության, գենդերային հավասարության և հասարակության մեջ սեռային խտրականության բացառման կարևորմանը:

Առարկան պետք է ներառի գիտելիքներ՝

- Հայաստանի Հանրապետության հասարակական կյանքի քաղաքական, տնտեսական, սոցիալական և հոգևոր-մշակութային ոլորտների մասին.
- մարդու հիմնարար իրավունքների, ազատությունների ու քաղաքացիական հասարակության մասին.
- հասարակական վարքի նորմերի, կանոնների, սովորողների իրավունքների ու պարտականությունների մասին.
- հասարակական և բնական երևույթների փոխկախվածության, աշխարհի միասնականության և բազմազանության մասին:

Հասարակագիտությունը պետք է ձևավորի մարդու աշխարհայացքը, մտածելակերպը, արժեքային համակարգը, վերաբերմունքն իր և այլոց հանդեպ: Հասարակագիտության ուսուցումը կոչված է ձևավորելու ապագա քաղաքացուն՝ հնարավորություն տալով նրան իր առջև ծառայած խնդիրների պատասխանը որոնել ոչ թե տարերայնորեն, այլ՝ օգտագործելով այն բոլոր քաղաքացիական գիտելիքները, հմտություններն ու կարողությունները, ինչպես նաև արժեքային մոտեցումները և

քաղաքացիական դիրքորոշումները, որոնք նրա սեփականությունն են դառնալու դպրոցական նստարանից:

ԱՌԱՐԿԱՅԻ ՈՒՍՈՒՄՆԱԿԱՆ ՆՊԱՏԱԿՆԵՐԸ

Հասարակագիտության ուսուցումը պետք է ուղղված լինի սովորողների հետևյալ կարողությունների ձևավորմանն ու զարգացմանը՝

- վերլուծել, համեմատել, ընդհանրացնել, վերացարկել և համադրել հասարակական կյանքի տարբեր ոլորտներին վերաբերող հիմնախնդիրներ, իրադարձություններ, երևույթներ և փաստեր.
- գնահատել անձի և հասարակության վերաբերյալ տարբեր տեսակետները և ճիշտ կողմնորոշվել դրանց հիմնավորվածության հարցում.
- տարբեր սկզբնաղբյուրներից տեղեկատվություն ընտրել, վերլուծել, եզրակացություններ անել և համապատասխան հղումներ կատարել.
- աշխատել թիմերով, համագործակցել և կարողանալ ներկայացնել ստացած գիտելիքը և կատարած աշխատանքը,
- հանրային կյանքի տարբեր ոլորտներում կիրառել հաղորդակցվելու համարժեք ձևեր.
- հաղորդակցվել ազգային և համաշխարհային քաղաքակրթական արժեքներին.
- կապել կյանքը և ուսումնառությունը՝ համայնքային հիմնախնդիրների ուսումնասիրման միջոցով
- ձևավորել փոխադարձ հարգանքի և փոխօգնության հարաբերություններ մարդկանց հետ առօրյա շփումներում.
- ըմբռնել միջանձնային հարաբերություններում հոգեբանական առողջ մթնոլորտի կարևորությունը, նպաստել դրա ձևավորմանը՝ ընտանիքում, դպրոցում, ընկերական շրջապատում.
- հասկանալ և գնահատել իր հասարակական դերը՝ որպես որոշակի ժամանակաշրջանում և որոշակի տարածության մեջ ապրող քաղաքացի.
- տարբերակել իրավունքի հետ առնչվող խնդիրները, հասկանալ դրանց իրավական ու ոչ իրավական լուծումների տարբերությունը, յուրացնել ու գնահատել օրենքների և օրինականության նշանակությունը, իրավագիտակից, օրինապաշտ և ակտիվ քաղաքացիներ դառնալու համար.
- ստեղծել արդյունավետ միջանձնային հարաբերություններ.
- օգտվել ազգամիջյան և միջազգային համագործակցության փորձից.

- արտահայտել սեփական կարծիքը և այն պաշտպանել հասարակագիտական խնդիրների շուրջ կազմակերպված քննարկումների և բանավեճերի ընթացքում.
- առաջնորդվել հանդուրժողականության սկզբունքներով.
- փնտրել, գտնել և կիրառել ինքնուրույն, այլընտրանքային լուծումներ սոցիալական և հոգեբանական տարբեր իրավիճակներում.
- դրսևորել ստեղծագործական մտածելակերպ.
- ունենալ գործուն քաղաքացիական դիրքորոշում և գործնականում կիրառել ժողովրդավարության սկզբունքները:

ԱՌԱՐԿԱՅԻ ԲՈՎԱՆԴԱԿԱՅԻՆ ՊԱՐՏԱԴԻՐ ՄԻՋՈՒԿ

Ց-րդ դասարան

Հասարակագիտության ներածություն

Մարդ և հասարակություն:

Մարդը և նրան շրջապատող բնական ու հասարակական միջավայրը: Մարդու պահանջմունքները. նյութական և ոչ նյութական պահանջմունքներ:

Հասարակության սոցիալական կազմը. խմբեր, շերտեր, համայնքներ: Սոցիալական հարաբերություններ և գործընթացներ: Համակեցություն, համագործակցություն և հակամարտություն:

Ընտանիք: Ազգ: Մշակույթ: Ինքնություն և բազմազանություն (ֆիզիկական, մշակութային, կրոնական և այլն):

Հիմնարար արժեքներ

Ազատություն հասկացությունը: Ազատության դրսևորումները և սահմանափակումները: Մարդու հիմնարար ազատություններ և իրավունքներ:

Արդարություն: Արդարության բարոյական կողմերը: Արդարության իրավական կողմերը: Արդարության արտահայտման ձևերը :

Հավասարություն: Սոցիալական հավասարություն:

Իրավահավասարություն: Պատասխանատվություն և հանդուրժողականություն: Պատասխանատվության արժեքն ու անհրաժեշտությունը: Իրավունք և պատասխանատվություն:

Հանդուրժողականության սկզբունքներ:

Իշխանություն

Ինչ է իշխանությունը: Իշխանության գործառույթները:

Առաջնորդություն և հեղինակություն: Ուժ և իշխանություն:

Իշխանության անհրաժեշտությունը, նպատակները:

Իշխանություն և պետություն: Ժողովրդավարական իշխանություն:

Իշխանության տարանջատում:

Կոռուպցիա և իշխանության չարաշահում: Իշխանության մարմինների գործունեության թափանցիկություն և վերահսկողություն:

9-րդ դասարան

Մարդու իրավունքներ և քաղաքացիական կրթություն

Ժողովրդավարական հասարակություն

Ժողովրդավարություն: Սահմանադրականություն: Սահմանադրությունը որպես մարդու իրավունքների և ազատությունների երաշխավոր:

Օրենքի և իրավունքի գերակայությունը:

Իրավահավասարություն. փոքրամասնության իրավունքներ, գենդերային իրավահավասարություն:

Ընտրությունները և քաղաքական կուսակցությունների դերը

Ժողովրդավարության կառուցման գործում:

Հանրային բարիք և անձի ինքնագիտակցություն: Կամավորականության դերը ժողովրդավարական հասարակության մեջ:

ՄԱԿ-ի և միջազգային մարդասիրական կառույցների դերը մարդու իրավունքների և ժողովրդավարության պաշտպանության ու զարգացման գործում:

Հանրային քաղաքականություն

Հանրային քաղաքականության հասկացությունը և մասնակիցները:

Հանրային քաղաքականության գործընթացը և հիմնախնդիրները:

Հանրային քաղաքականության առաջարկ և գործողությունների պլան:

Քաղաքացիություն

Ակտիվ քաղաքացի: Մասնակցություն և առաջնորդություն:

Քաղաքացու իրավական կարգավիճակը Հայաստանի Հանրապետությունում:

Քաղաքացիական հասարակություն

Շահերի պաշտպանություն և բազմակարծություն:

Քաղաքացիական հասարակության բաղադրիչներ (հասարակական կազմակերպություններ, միություններ և այլն):

Զանգվածային լրատվության միջոցները և մարդու իրավունքները:

Քաղաքացիական հասարակության տնտեսական բաղադրիչը

Շուկայական տնտեսությունը որպես ազատ ձեռնարկատիրության հենասյուն:

Մրցակցությունն ապահովող մեխանիզմներ: Սպառողների շահերի պաշտպանություն:

Պետության դերը տնտեսության մեջ: Պետության եկամտի աղբյուրները:

Պետական բյուջե:

Մարդու և քաղաքացու հիմնարար իրավունքները և ազատությունները

Մարդու իրավունքները և բարոյական արժեքները:

Մարդու քաղաքացիական իրավունքներ և ազատություններ:

Քաղաքական իրավունքներ և ազատություններ: Քաղաքական իրավունքների և ազատությունների պաշտպանությունը և ժողովրդավարությունը:

Մարդու և քաղաքացու տնտեսական և սոցիալական իրավունքներ:

Մարդու և քաղաքացու մշակութային իրավունքներ: Մշակութային իրավունքները որպես մարդու հոգևոր զարգացման երաշխիք:

Առանձին խմբերի անձանց իրավունքներ. երեխայի իրավունքներ, հաշմանդամների իրավունքներ:

Ուսումնական գործունեության Տեսակները

Ուսումնական գործընթացում, ելնելով՝ թեմայից, դասի նպատակից, դասարանից, քննարկվող հիմնախնդրի ու սովորողների առանձնահատկություններից, առկա հնարավորություններից և այլ հանգամանքներից, կարող են ընտրվել ուսումնական գործունեության հետևյալ տեսակները՝

- ուսումնական նյութի բացատրում, լուսաբանում
- ինքնավերլուծություն, գրույցներ ու հարցազրույցներ
- աշխատանք սկզբնաղբյուրների հետ
- զանգվածային լրատվամիջոցներից ստացված տեղեկատվության վերլուծություն
- տեղեկատվական աղբյուրների գնահատում և համադրում
- հիմնախնդիրների հետազոտում
- հանդիպումներ
- մրցույթների անցկացում
- հաշվետվությունների և գրավոր հաղորդումների պատրաստում
- բանավեճի կազմակերպում
- բարձր տեխնոլոգիաների օգտագործում
- աշխատանք գրադարանների հետ, այդ թվում՝ վիրտուալ
- դերային խաղեր
- թղթապանակների պատրաստում, մեկնաբանում
- անհատական ու խմբային, ինքնուրույն և համագործակցային աշխատանքների կատարում
- անդրադարձ ուսումնական գործունեությանը
- նախագծերի իրականացում
- հանրօգուտ աշխատանքների ծրագրերի իրականացում
- համայնքային հիմնախնդիրների հետազոտում և այլն:

ՍՈՎՈՐՈՂՆԵՐԻՆ ՆԵՐԿԱՅԱՑՎՈՂ ՊԱՀԱՆՋՆԵՐԸ
գիտելիքներ, կարողություններ և հմտություններ
Ուսումնառության արդյունքում սովորողը պետք է՝

Ց-րդ դասարան	Հասարակագիտության ներածություն	
Թեմա	Ա մակարդակ	Բ մակարդակ
Մարդ և հասարակություն	<p>Հասկանա բնության, մարդու և հասարակության փոխկապվածությունը, բացատրի դրանց փոխհարաբերությունները:</p> <p>Ներկայացնի մարդու գործունեության ազդեցությունը բնության վրա:</p>	<p>Վերլուծի մարդ, բնություն և հասարակություն հասկացությունները:</p> <p>Ներկայացնի մարդու և հասարակության փոխներգործությունը ժամանակակից կյանքի օրինակներով:</p> <p>Առաջարկի բնության և հասարակության ներդաշնակության խախտումը կանխող քայլեր:</p>
	<p>Թվարկի մարդու պահանջմունքները, Տարբերի նյութական և ոչ նյութական պահանջմունքները:</p>	<p>Ներկայացնի նյութական և ոչ նյութական պահանջմունքների նշանակությունը իր և հասարակության կյանքում:</p>
	<p>Գաղափար ունենա հասարակության սոցիալական կազմի մասին:</p> <p>Տարբերակի հասարակական մեծ և փոքր խմբերն ու շերտերը:</p> <p>Բացատրի համայնք հասկացությունը:</p>	<p>Քննարկի և վերլուծի, թե ինչ դեր ունեն և ինչպես են ազդում հասարակական մեծ և փոքր խմբերն ու շերտերը անհատների և նրանց միջև եղած հարաբերությունների վրա:</p>
	<p>Իմանա սոցիալական հարաբերություններ և գործընթացներ, համակեցություն,</p>	<p>Ներկայացնի համագործակցությունը և հակամարտությունը որպես հանրային</p>

	<p><i>համագործակցություն, հակամարտություն</i> հասկացությունները: Համակեցություն, համագործակցություն, հակամարտություն հասկացությունները պարզաբանող օրինակներ բերի:</p>	<p>համակեցության բաղադրիչներ:</p>
	<p>Իմանա և բացատրի ընտանիք, ազգ, մշակույթ, ինքնություն հասկացությունները: Ներկայացնի ազգային մշակույթին իր պատկանելիությունը:</p>	<p>Հիմնավորի, որ ընտանիքը հասարակության հիմքն է: Մեկնաբանի ընտանիքի և հասարակության բարեկեցության փոխկախվածությունը: Վերլուծի և մեկնաբանի ինքնություն և մշակույթ հասկացությունների փոխկա- վածությունը, այլոց մշակութային ժառանգության՝ սեփականից տարբերվելու և առանձին գոյություն ունենալու, տարբեր ազգերի մշակույթի փոխազդեցության ու համակեցության անհրաժեշտությունը: Հիմնավորի սեփական և այլ մշակույթների նմանությունների ու տարբերությունների բնականոն լինելը: <i>Կարողանա կազմել իր համայնքի սոցիալական քարտեզը:</i></p>
<p>Հիմնարար արժեքներ</p>	<p>Իմանա, թե ինչ է ազատությունը: Թվարկի մարդու հիմնարար ազատությունները և իրավունքները: Ազատության դրսևորումների օրինակներ</p>	<p>Տարբերակի ազատության դրսևորումները և սահմանափակումները: Նկարագրի մարդու իրավունքների և հիմնարար ազատությունների սահմանա-</p>

	բերի:	փակման դեպքեր և վերլուծի դրանք:
	Քացատրի արդարություն հասկացությունը: Տարբերի արդարության բարոյական և իրավական կողմերը: Ներկայացնի տարբեր բնագավառներում արդարության արտահայտման ձևերը և վերլուծի դրանք:	Հիմնավորի արդարության կարևորությունը ժողովրդավարական հասարակության մեջ: Ունենա հմտություններ կյանքի տարբեր իրավիճակներում արդարությունը պաշտպանելու և արժանապատվորեն հանդես գալու համար:
	Իմանա հավասարություն հասկացությունը: Ներկայացնի հավասարության դրսևորումները (սոցիալական հավասարություն, իրավահավասարություն և այլն) և խմբավորի դրանք:	Համեմատի սոցիալական հավասարությունն ու իրավահավասարությունը, բացահայտի սոցիալական հավասարության ու իրավահավասարության դրսևորումները հասարակական կյանքի տարբեր ոլորտներում:
	Իմանա , թե ինչ է պատասխանատվությունը և ինչու է այն անհրաժեշտ: Տարբերի պատասխանատվություն ստանձնելու առավելություններն ու դժվարությունները: Ներկայացնի իրավունքի, պատասխանատվության և հանդուրժողականության կապը:	Ձևավորի և դրսևորի պատասխանատվության զգացում սեփական գործողությունների հանդեպ: Մեկնաբանի իր որոշումների կայացման նկատմամբ պատասխանատու վերաբերմունքի անհրաժեշտությունը: Կշռադատի պատասխանատվություն ստանձնելու դրական և թվացյալ բացասական հետևանքները: <i>Կարողանա ներկայացնել քվեարկությունը որպես իրավունք, պահանջ և պատասխանատվություն:</i>
Իշխանություն	Իմանա , թե ինչ է իշխանությունը, դրա անհ-	Մեկնաբանի իշխանության ճյուղերի

	<p>րաժեշտությունը, և որոնք են իշխանության աղբյուրները:</p> <p>Իմանա և բացատրի պետական իշխանության ձևավորման սկզբունքները, իշխանության ճյուղերի (օրենսդիր, գործադիր, դատական) խնդիրները և գործառույթները:</p> <p>Ներկայացնի պետական իշխանության ձևավորման և գործունեության ազդեցությունը անհատի վրա:</p> <p>Բացատրի ժողովրդավարական իշխանություն հասկացությունը:</p>	<p>տարանջատման սկզբունքի հիմնարար նշանակությունը ժողովրդավարական հասարակությունում:</p> <p>Ներկայացնի առաջնորդություն և հեղինակություն հասկացությունների փոխկապվածությունը, հեղինակության անհրաժեշտությունը առաջնորդի ընտրության և առաջնորդության իրագործման համար:</p> <p>Վերլուծի ուժի և իշխանության, իրավունքի և պատասխանատվության փոխկապվածությունը:</p> <p><i>Կարողանա ներկայացնել և խմբային քննարկումներում պաշտպանել հանրային հեղափոխություն ներկայացնող (համայնքային, դպրոցական և այլն) որևէ նախագիծ:</i></p>
	<p>Իմանա կոռուպցիա հասկացությունը:</p> <p>Ներկայացնի կոռուպցիայի պատճառները և ձևերը, <i>թրաֆիքինգ</i> հասկացությունը:</p> <p>Հիմնավորի իշխանության մարմինների գործունեության թափանցիկության ապահովման և դրա նկատմամբ վերահսկողության անհրաժեշտությունը:</p>	<p>Հասարակական կյանքի տարբեր ոլորտներում կոռուպցիայի դեպքեր նկարագրի և հիմնավորի դրանց բացասական ազդեցությունը տվյալ ոլորտի զարգացման վրա:</p> <p>Վերլուծի կոռուպցիայի և թրաֆիքինգի առնչությունները հասարակական կյանքի տարբեր ոլորտներում:</p> <p><i>Կարողանա ուսումնասիրել և գնահատել իշխանության որևէ մարմնի, հաստատության գործունեություն:</i></p>

9-րդ դասարան	Մարդու իրավունքներ և քաղաքացիական կրթություն	
Ժողովրդավարական հասարակություն	<p>Իմանա ժողովրդավարություն և սահմանադրություն հասկացությունները, ՀՀ Սահմանադրության մեջ մարդու իրավունքներին առնչվող հոդվածները:</p> <p>Ներկայացնի ժողովրդավարության հիմնարար արժեքները, սկզբունքները և ժողովրդավարական գործելակերպը:</p>	<p>Ներկայացնի ժողովրդավարությունը և սահմանադրականությունը որպես մարդու իրավունքների և ազատությունների երաշխավոր:</p> <p>Վերլուծի ժողովրդավարության առավելությունները և դժվարությունները:</p> <p><i>Կարողանա նկարագրել և համեմատել դասարանային կանոնների ընդունումը որպես ժողովրդավարական գործընթաց:</i></p>
	<p>Իմանա, թե ինչ է օրենքի և իրավունքի գերակայությունը:</p> <p>Բացատրի օրենքի կիրարկում հասկացությունը:</p> <p>Ներկայացնի օրենքների և այլ իրավական ակտերի դերը փոքրամասնության իրավունքների, գենդերային իրավահավասարության և մարդու այլ հիմնարար իրավունքների պահպանման գործում:</p>	<p>Մեկնաբանի օրինականության դերը ժողովրդավարության և իրավական պետության կայացման խնդրում:</p> <p>Որևէ օրենքի օրինակով դատողություններ անի օրենքների ընդունման և դրանց փաստացի կիրառման վերաբերյալ,</p> <p>Վերլուծի օրենքի կիրառման արդյունավետությունը:</p>
	<p>Բացատրի ազատ և արդար ընտրությունների կարևորությունը իր և հասարակության համար:</p> <p>Ներկայացնի քաղաքական կուսակցություն-</p>	<p>Ներկայացնի ազատ ընտրությունը որպես քվեարկության միջոցով որոշումներ կայացնելու ձև:</p> <p>Վերլուծի ընտրություններին գիտակցված</p>

	<p>ները որպես ժողովրդավարական հասարակության մեջ հանրության տարբեր խմբերի շահերը ներկայացնող միջոց: Կարողանա հիմնավորել սեփական տեսակետը:</p>	<p>մասնակցության ազդեցությունը ժողովրդավարական հասարակության կայացման գործում: <i>Կարողանա ուսումնասիրել և գնահատել ընտրություններին մասնակից կուսակցություններից մեկի նախընտրական քարոզչությունը՝ տեսա-ժապավեններ, պաստառներ, գրքույկներ և այլն:</i></p>
	<p>Քացատրի հանրային բարիքի ստեղծման մեջ անհատի ինքնագիտակցության և պատասխանատվության կարևորությունը: Կամավորական աշխատանքի (համայնքում, դպրոցում և այլն) օրինակներ բերի:</p>	<p>Հիմնավորի ժողովրդավարական իշխանությունը որպես հանրային բարիքի ստեղծման երաշխավոր: Դատողություններ անի ժողովրդավարական հասարակության մեջ կամավորականության անհրաժեշտության վերաբերյալ :</p>
	<p>Իմանա Միավորված ազգերի կազմակերպության, Կարմիր խաչի միջազգային կոմիտեի և Եվրոպական կառույցների (Եվրոպական միություն, Եվրոպայի խորհուրդ, Եվրոպայում անվտանգության և համագործակցության կազմակերպություն և այլն) դերը մարդու իրավունքների պաշտպանության գործում: <i>Մամուլի, զանգվածային լրատվության այլ միջոցների ուսումնասիրության հիման վրա ներկայացնի</i> Կարմիր խաչի միջազգային կոմիտեի կամ այլ միջազգային մարդասիրական կառույցի գործունեությունը, այդ կառույցի դերը</p>	<p>Վերլուծի Մարդու իրավունքների համընդհանուր հոչակագրի, Մարդու իրավունքների և հիմնարար ազատությունների պաշտպանության մասին Եվրոպական կոնվենցիայի կամ միջազգային որևէ այլ փաստաթղթի բովանդակությունը մարդու իրավունքների պաշտպանության առումով: Փաստարկված դատողություններ անի միջազգային մարդասիրական կառույցների գործունեության վերաբերյալ:</p>

	<i>բացահայտող օրինակ բերի:</i>	
Հանրային քաղաքականություն	<p>Իմանա հանրային քաղաքականություն հասկացությունը:</p> <p>Ներկայացնի հանրային քաղաքականության մասնակիցներին, այդ քաղաքականության գործընթացում քաղաքացիների մասնակցության կարևորությունը:</p> <p>Հասկանա իշխանության դերը հանրային քաղաքականության ձևավորման մեջ:</p>	<p>Բացահայտի հանրային քաղաքականության հիմնախնդիրներ, ուսումնասիրի որևէ հիմնախնդիր, առաջարկի այդ հիմնախնդրի լուծման այլընտրանքային տարբերակներ:</p> <p>Մշակի և ներկայացնի հանրային քաղաքականության իրականացման գործողությունների պլան:</p>
Քաղաքացիություն	<p>Իմանա քաղաքացիություն հասկացությունը:</p> <p>Բացատրի քաղաքացու, քաղաքացիություն չունեցող անձանց իրավական կարգավիճակը Հայաստանի Հանրապետությունում:</p> <p>Ներկայացնի ակտիվ քաղաքացու հատկանիշներ:</p>	<p>Մեկնաբանի մասնակցությունն ու առաջնորդությունը որպես քաղաքացիական դիրքորոշման բնութագրիչներ:</p> <p>Առաջարկի քաղաքացու պատասխանատու մասնակցության բնութագրիչներ և վերլուծի դրանք:</p>
Քաղաքացիական հասարակություն	<p>Իմանա քաղաքացիական հասարակություն հասկացությունը:</p> <p>Ներկայացնի քաղաքացիական հասարակության բաղադրիչները (խոսքի ազատություն, բազմակարծություն, հասարակական կազմակերպություններ, միություններ և այլն):</p>	<p>Հասկանա և բացատրի հասարակական կազմակերպությունների, միությունների և այլ կազմակերպությունների տեղն ու դերը քաղաքացիական հասարակության մեջ շահերի պաշտպանության, բազմազանության և բազմակարծության ապահովման առումով:</p> <p>Հիմնավորի հասարակական կարծիքի և խոսքի, մտքի, խղճի ազատության</p>

		կարևորությունը:
	<p>Իմանա զանգվածային լրատվության միջոցներ հասկացությունը:</p> <p>Ներկայացնի զանգվածային լրատվամիջոցների դերը քաղաքացիական հասարակության ձևավորման գործընթացում:</p>	<p>Հիմնավորի տեղեկացվածության կարևորությունը քաղաքացիական հասարակության ձևավորման գործում:</p> <p><i>Համայնքային հիմնախնդիրներն ուսումնասիրի քաղաքացիական հասարակության հաստատությունների և զանգվածային լրատվության միջոցների միջոցով:</i></p>
<p>Քաղաքացիական հասարակության տնտեսական բաղադրիչը</p>	<p>Բացատրի շուկայական տնտեսության մեջ արտադրողների և սպառողների փոխկապվածությունը:</p> <p>Նկարագրի սպառողների պահանջարկի վրա ազդող գործոնները, մրցակցությունն ապահովող մեխանիզմներ:</p>	<p>Ներկայացնի շուկայական տնտեսությունը որպես ազատ ձեռնարկատիրության հենասյուն:</p> <p>Մեկնաբանի տնտեսության պետական կառավարման անհրաժեշտությունը:</p> <p><i>Սպառողների իրավունքների խախտման, պետության կողմից հակամենաշնորհային քաղաքականության իրականացման օրինակներ բերի:</i></p>
	<p>Բացատրի պետության դերը ազատ շուկայական տնտեսության մեջ, պետության եկամտի աղբյուրները:</p>	<p>Ներկայացնի հարկերի և պետական բյուջեի փոխկապվածությունը:</p> <p>Մեկնաբանի անհատի տնտեսական անկախությունը որպես քաղաքացիական հասարակության կայացման պայման:</p> <p><i>Ուսումնասիրի ընտրված հանրային հիմնախնդրի լուծման համար նախատեսված պետական ֆինանսական միջոցները և եզրահանգումներ անի:</i></p>

<p>Մարդու և քաղաքացու հիմնական իրավունքները և ազատությունները</p>	<p>Իմանա մարդու իրավունքների բարոյական հիմքերը: Ներկայացնի մարդու իրավունքների սահմանափակման հիմքերը:</p>	<p>Հիմնավորի մարդու իրավունքների բարոյական հիմքերը: Վերլուծի մարդու իրավունքների, բարոյականության և օրենքի կապը:</p>
	<p>Իմանա մարդու քաղաքացիական իրավունքներն ու ազատությունները:</p>	<p>Օրինակներով վերլուծի մարդու քաղաքացիական իրավունքներն ու ազատությունները:</p>
	<p>Թվարկի մարդու քաղաքական իրավունքներն ու ազատությունները: Ներկայացնի մարդու քաղաքական իրավունքների և ազատությունների պաշտպանության խնդիրը:</p>	<p>Մեկնաբանի մարդու անձնական և քաղաքական իրավունքների կապը: Բացատրի մարդու քաղաքական իրավունքների ու ազատությունների պաշտպանության և ժողովրդավարական հասարակության կայացման փոխկապվածությունը:</p>
	<p>Իմանա մարդու տնտեսական, սոցիալական, մշակութային իրավունքները: Ներկայացնի մշակութային իրավունքների պաշտպանությունը որպես մարդու հոգևոր զարգացումը և մշակութային բազմազանությունը խթանող գործոն:</p>	<p>Մեկնաբանի մարդու տնտեսական, սոցիալական, մշակութային իրավունքների տեղը այլ հիմնարար իրավունքների ու ազատությունների շարքում:</p>
	<p>Իմանա երեխայի իրավունքների մասին, հաշմանդամների իրավունքների մասին << օրենքների հիմնական պահանջները:</p>	<p>Ներկայացնի երեխայի իրավունքների և հաշմանդամների իրավունքների մասին միջազգային փաստաթղթերի հիմնական պահանջները:</p>

Արժեքային համակարգ

Հասարակագիտության ուսումնասիրության շնորհիվ սովորողը պետք է՝

- կարևորի իր դերը և պատասխանատվությունը հասարակության զարգացման գործընթացում
- կարևորի սեփական ինքնությունը և դրա բաղկացուցիչ մասերը
- գիտակցի բազմազան, ներդաշնակ, մաքուր և անվտանգ բնական միջավայրի կարևորությունը
- արժևորի տարբեր մշակույթների նմանություններն ու տարբերությունները
- գիտակցի համամարդկային հիմնարար արժեքների կարևորությունը
- արժևորի պատասխանատվությունը և արդարությունը, ազատությունը, հավասարությունը, հանդուրժողականությունը՝ որպես ներդաշնակ հասարակական կյանքի հիմնական պայման
- արժևորի մարդկանց տարիքային, սեռային տարբերությունները և առանձնահատկությունները
- գիտակցի համակեցության կարևորությունը հասարակական կյանքի բնականոն զարգացման գործում, նպաստի հանրային բարիքի զարգացմանը
- հարգալից վերաբերմունք դրսևորի ազգային, մշակութային և ռասայական տարբերությունների նկատմամբ
- գիտակցի պատասխանատվություն ստանձնելու կարևորությունը
- արժևորի հասարակական կյանքին մարդու գործուն և նպատակային մասնակցությունը
- գնահատի սեփական կարծիքի, գիտելիքի և համոզմունքի դերը կյանքում
- արժևորի արդյունավետ հաղորդակցման կարևորությունը բախումների հաղթահարման գործում
- կարևորի մարդու իրավունքների, բարոյականության և օրենքի կապը
- արժևորի մարդու իրավունքներն ու պարտականությունները
- արժևորի անձնական ազատության և արդարության գաղափարները
- կարևորի տնտեսական և սոցիալական իրավունքների կապը այլ հիմնարար իրավունքների և ազատությունների հետ

- կարևորի մշակութային իրավունքների տեղը այլ հիմնարար իրավունքների ու ազատությունների շարքում
- արժևորի գենդերային հավասարությունը՝ բացառելով սեռային խտրականությունը
- կարևորի հաշմանդամների և ազգային փոքրամասնությունների իրավունքների պաշտպանության անհրաժեշտությունը
- գնահատի հրապարակայնության և խոսքի ազատության, լրատվամիջոցների դերը մարդու իրավունքների պաշտպանության գործում
- կարևորի ընտրություններին իր անձնական մասնակցության նշանակությունը
- կարևորի մարդու իրավունքների և ազատությունների պաշտպանության երաշխիքները
- գնահատի ժողովրդավարության և ազատության կարևորությունը իր և հասարակության համար
- գիտակցի օրենքի գերակայության, արդարության և օրենքի առջև բոլորի հավասարության կարևորությունը
- գիտակցի քաղաքացիական մասնակցության կարևորությունը
- գնահատի իշխանության ճյուղերի տարանջատման կարևորությունը
- կարևորի համայնքային հիմնախնդիրների լուծման գործում իր և ուրիշների մասնակցությունը:

ԳՐԱԿԱՆՈՒԹՅԱՆ ՑԱՆԿ

Նորմատիվ փաստաթղթեր

1. <<Կրթության մասին>> ՀՀ օրենք:
2. <<Հանրակրթության մասին>> ՀՀ օրենք:
3. Հանրակրթության պետական չափորոշիչ, Երևան, 2011:

Ուսումնական և ուսումնամեթոդական գրականություն

1. Իրավունք. մարդու իրավունքներ, քաղաքացիական կրթություն, պետություն և իրավունք, մեթոդական ձեռնարկ ուսուցիչների համար, 8-10-րդ դասարաններ, Հարությունյան Ն., Վաղարշյան Ա., Տիգրան Մեծ, Երևան, 2001:
2. Հասարակագիտության ուսուցման արդի հիմնահարցեր, ձեռնարկ մանկավարժների համար, Խաչատրյան Ս. և ուրիշներ, Տիգրան Մեծ, Երևան, 2005:
3. Հասարակագիտության ինտեգրված ուսուցում, Պետրոսյան Ս. և ուրիշներ, Լուսաբաց, Երևան, 2006:
4. Ժողովրդավարության հիմնարար արժեքներ. ուսումնական ձեռնարկ 8(9)-րդ դասարանների համար, Խաչատրյան Ս. և ուրիշներ, Էդիթ Պրինթ, Երևան, 2005:
5. Միջազգային մարդասիրական իրավունք, Հանս Պիտեր Գասեր, Ներածություն, ԿԽՄԿ, Երևան, 2003:
6. Կրթությունն ընդդեմ կոռուպցիայի. մեթոդական ձեռնարկ ուսուցիչների համար: Էդիթ Պրինտ, Երևան, 2010:
7. Քաղաքացիական կրթությունը VII դասարանում: Ձեռնարկ ուսուցիչների համար, Մկրտչյան Մ. և ուրիշներ, Երևանի պետական համալսարան, Երևան, 2000:
8. Հասարակագիտության ընթացիկ գնահատման առաջադրանքների նմուշների ժողովածու, Թովմասյան Տ. և ուրիշներ, Տիգրան Մեծ, Երևան, 2007:
9. Ուսումնասիրենք ժողովրդավարությունը, կառավարումը և ընտրությունները: Քաղաքացիական և ընտրական կրթության ուսումնամեթոդական ձեռնարկ, International IDEA և Կրթության ազգային ինստիտուտ, Երևան, 2007:
10. Քաղաքացի նախագիծ – համայնքային հիմնախնդիրների հետազոտման ուսումնական նախագիծ, Սիվիտաս, Երևան, 2009:
11. Введение в обществознание. Учебное пособие для 8-9 кл. общеобразоват. учреждений. Под ред. А.Н.Боголюбова. Москва, Просвещение, 1996.
12. Человек и общество. Учебное пособие по обществознанию для учащихся 10-11 кл. общеобразоват. учреждений. Под ред. А.Н.Боголюбова, А.Ю.Лазебниковой, Москва, Просвещение, 1996, 2011.

13. Введение в политологию, Учебное пособие для 10-11 кл. общеобразоват. учреждений. Гаджиев К.С., Каменская Т.В., Родионов А.Н., 3-е издание Москва, Просвещение, 1998.
14. Человек, 9 кл. Пособие для общеобразоват. учреждений, Гуревич П.С., 2-е изд. Москва, Дрофа, 1997.
15. Граждановедение. Учебное пособие для учащихся 9 классов, их родителей и учителей. Соколов Я. и Прутченков А., Москва, "Гражданин", 1997.
16. Методика гражданского образования, Иоффе А., Сивитас, Брянск, 2007.
17. О человеческом в человеке, под ред. И.Т.Фролова, Москва, Политиздат, 1991.
18. Гобозов, И.А., Введение в философию истории, 2-е издание, Москва, ТЕИС, 1999.

ՀԱՆՐԱԿՐԹԱԿԱՆ ՀԻՄՆԱԿԱՆ ԴՊՐՈՑԻ

<<ՀԱՍԱՐԱԿԱԳԻՏՈՒԹՅՈՒՆ>>

ԱՌԱՐԿԱՅԻ ԾՐԱԳԻՐ (8-9-րդ դասարաններ)

ԲԱՑԱՏՐԱԳԻՐ

Միջին դպրոցում հասարակագիտության դասավանդման հիմնական խնդիրներն են՝

- ծանոթացնել մարդուն և հասարակությանը վերաբերող հիմնական հասկացություններին, հիմնախնդիրներին,
- գաղափար տալ միջանձնային հարաբերությունների մասին, զարգացնել հաղորդակցվելու հմտություններ,
- ներկայացնել որոշ հիմնարար հասկացություններ, ինչպիսիք են՝ ազատությունը, պատասխանատվությունը, արդարությունը, հանդուրժողականությունը և այլն,
- ծանոթացնել մարդու իրավունքների գաղափարին, ներկայացնել իրավունքների տեսակները,
- գաղափար տալ մարդու և քաղաքացու իրավունքների պաշտպանության և երաշխիքների մասին,
- ծանոթացնել իշխանության, ժողովրդավարության և քաղաքացիական հասարակության գաղափարներին, ներկայացնել դրանց փոխադարձ կապը,
- համակարգված պատկերացում ձևավորել քաղաքացիական հասարակության մասին,
- ներկայացնել համայնքային հիմնախնդիրների հետազոտման նախագծեր և այլն:

Ծրագրում ընդգրկված թեմաների դասավանդման ընթացքում ներառված են գործնական աշխատանքներ:

<<Հասարակագիտություն>> առարկայի դասավանդմանը 8-9-րդ դասարաններում հատկացվում է շաբաթական մեկ ժամ, տարեկան՝ 34 ժամ, ընդամենը՝ 68 ժամ:

<<ՀԱՍԱՐԱԿԱԳԻՏՈՒԹՅՈՒՆ>>

I. Հասարակագիտության ներածություն (8-րդ դասարան, 34 ժամ)

Թեմա 1. Մարդ և հասարակություն (8 ժամ)

Մարդը և նրան շրջապատող բնական ու հասարակական միջավայրը:
Մարդու պահանջմունքները. նյութական և ոչ նյութական պահանջմունքներ:
Հասարակության սոցիալական կազմը. խմբեր, շերտեր, համայնքներ:
Սոցիալական հարաբերություններ և գործընթացներ: Համակեցություն,
համագործակցություն և հակամարտություն:
Ընտանիք: Ազգ: Մշակույթ: Ինքնություն և բազմազանություն (ֆիզիկական,
մշակութային, կրոնական և այլն):
Գործնական աշխատանք - Համայնքի սոցիալական քարտեզի կազմում:

Թեմա 2. Հիմնարար արժեքներ (9 ժամ)

Ազատություն հասկացությունը: Ազատության դրսևորումները և սահմանափակումները:
Մարդու հիմնարար ազատություններ և իրավունքներ:
Արդարություն: Արդարության բարոյական կողմերը: Արդարության իրավական կողմերը:
Արդարության արտահայտման ձևերը (բաշխման, ուղղման, ընթացակարգի):
Հավասարություն: Սոցիալական հավասարություն: Իրավահավասարություն:
Պատասխանատվություն և հանդուրժողականություն: Պատասխանատվության արժեքն
ու անհրաժեշտությունը: Իրավունք և պատասխանատվություն:
Հանդուրժողականության սկզբունքներ:
Գործնական աշխատանք: Քվեարկությունը որպես իրավունք, պահանջ և
պատասխանատվություն:

Կրկնություն (1 ժամ)

Թեմա 3. Իշխանություն (9 ժամ)

Ինչ է իշխանությունը: Իշխանության գործառույթները (միավորել, կազմակերպել,
կառավարել):
Առաջնորդություն և հեղինակություն: Ուժ և իշխանություն:
Իշխանության անհրաժեշտությունը, նպատակները:
Իշխանություն և պետություն: Ժողովրդավարական իշխանություն: Իշխանության
տարանջատում:
Կոռուպցիա և իշխանության չարաշահում: Իշխանության մարմինների գործունեության
թափանցիկություն և վերահսկողություն:
Գործնական աշխատանք: Իշխանության ներկայացուցչի գործունեության
ուսումնասիրում և գնահատում:

Կրկնություն (1 ժամ)

Ամփոփում (2 ժամ)

Պահուստային ժամեր (4 ժամ)

II. Մարդու իրավունքներ և քաղաքացիական կրթություն

(9-րդ դասարան, 34 ժամ)

1. Ժողովրդավարական հասարակություն (6 ժամ)

Ժողովրդավարություն: Սահմանադրականություն: Սահմանադրությունը որպես մարդու իրավունքների և ազատությունների երաշխավոր:

Օրենքի և իրավունքի գերակայությունը:

Իրավահավասարություն. փոքրամասնության իրավունքներ, գենդերային իրավահավասարություն:

Ընտրությունները և քաղաքական կուսակցությունների դերը ժողովրդավարության կառուցման գործում:

Հանրային բարիք և անձի ինքնագիտակցություն: Կամավորականության դերը ժողովրդավարական հասարակության մեջ:

ՄԱԿ-ի և միջազգային մարդասիրական կառույցների դերը մարդու իրավունքների և ժողովրդավարության պաշտպանության ու զարգացման գործում:

Գործնական աշխատանք: Ժողովրդավարական ընտրությունների կազմակերպում:

2. Հանրային քաղաքականություն (4 ժամ)

Հանրային քաղաքականության հասկացությունը և մասնակիցները:

Հանրային քաղաքականության գործընթացը և հիմնախնդիրները:

Հանրային քաղաքականության առաջարկ և գործողությունների պլան:

Գործնական աշխատանք: Հանրային քաղաքականության հիմնախնդիրների բացահայտում, ուսումնասիրություն և այլընտրանքային քաղաքականության մշակում:

3. Քաղաքացիություն (3 ժամ)

Ակտիվ քաղաքացի:

Մասնակցություն և առաջնորդություն:

Քաղաքացու իրավական կարգավիճակը Հայաստանի Հանրապետությունում:

Գործնական աշխատանք: Քաղաքացու պատասխանատու մասնակցության բնութագրիչների ուսումնասիրում:

4. Քաղաքացիական հասարակություն (3 ժամ)

Շահերի պաշտպանություն և բազմակարծություն:

Քաղաքացիական հասարակության կառույցներ (հասարակական կազմակերպություններ, միություններ և այլն):

Զանգվածային լրատվության միջոցները և մարդու իրավունքները:

Գործնական աշխատանք: Համայնքային հիմնախնդիրների ուսումնասիրում՝ քաղաքացիական հասարակության հաստատությունների և զանգվածային լրատվության միջոցների միջոցով:

Կրկնություն (1 ժամ)

5. Քաղաքացիական հասարակության տնտեսական բաղադրիչը (4 ժամ)

Շուկայական տնտեսությունը որպես ազատ ձեռնարկատիրության հենասյուն:
Մրցակցությունն ապահովող մեխանիզմներ: Սպառողների շահերի պաշտպանություն:
Պետության դերը տնտեսության մեջ: Պետության եկամտի աղբյուրները: Պետական
բյուջե:

Գործնական աշխատանք: Ընտրված հանրային հիմնախնդրի լուծման համար
նախատեսված պետական բյուջերի ուսումնասիրում:

6. Մարդու և քաղաքացու հիմնարար իրավունքները և ազատությունները (7 ժամ)

Մարդու իրավունքները և բարոյական արժեքները:

Մարդու քաղաքացիական իրավունքներ և ազատություններ:

Քաղաքական իրավունքներ և ազատություններ: Քաղաքական իրավունքների և
ազատությունների պաշտպանությունը և ժողովրդավարությունը:

Մարդու և քաղաքացու տնտեսական և սոցիալական իրավունքներ:

Մարդու և քաղաքացու մշակութային իրավունքներ: Մշակութային իրավունքները որպես
մարդու հոգևոր զարգացման երաշխիք:

Առանձին խմբերի անձանց իրավունքներ. երեխայի իրավունքներ, հաշմանդամների
իրավունքներ:

Գործնական աշխատանք: Օրենսդրական փաստաթղթի վերլուծություն՝ մարդու
իրավունքների և հիմնարար ազատությունների համատեքստում:

Կրկնություն

(1 ժամ)

Ամփոփում

(2 ժամ)

Պահուստային ժամեր

(3 ժամ)